



URED PREDSJEDNIKA I POTPREDSJEDNIKA

Broj: 01-4-03-3-715-3/20

Dana: 02.06.2020.godine

BOSNA I HERCEGOVINA

MINISTARSTVO KOMUNIKACIJA I PROMETA BiH

N/r g. Vojin Mitrović, ministar

PREDMET: Mišljenje na Nacrt pravilnika o saobraćaju u zimskim uslovima - *dostavlja se*

Poštovani,

Na osnovu akta Ministarstva komunikacija i prometa Bosne i Hercegovine, broj 01-05-02-2-1179/20, od 18.05.2020. godine, kojim se sukladno članu 7. Zakona o Vanjskotrgovinskoj komori Bosne i Hercegovine ("Službeni glasnik BiH" br: 30/01 i 72/13), traži mišljenje na priloženi tekst *Nacrta pravilnika o saobraćaju u zimskim uslovima*, informiramo Vas, da smo proveli proceduru traženja mišljenja od članova Udruženja međunarodnih cestovnih prijevoznika tereta i Udruženja prijevoznika u međunarodnom i međuentitetskom cestovnom prijevozu putnika pri Vanjskotrgovinskoj komori Bosne i Hercegovine.

Mišljenja smo da je u Nacrtu pravilnika potrebno u članu 4. stavu (3) riječi „iz člana (2) ovog pravilnika“ zamijeniti riječima „iz stava (2) ovog člana“, te brisati st. (4), (5) i (6), dok bi stav (7) trebao postati stav (4).

Obrazloženje:

Pravilnikom o dimenzijama, ukupnoj masi i osovinskom opterećenju vozila, o uređajima i opremi koju moraju imati vozila i o osnovnim uvjetima koje moraju ispunjavati uređaji i oprema u saobraćaju na putevima („Službeni glasnik BiH“, br. 23/07, 54/07, 101/12 i 26/19), članom 120. stavom (2) je definirano „(2) Gume na istoj osovini vozila moraju biti jednake po dimenzijama, nosivosti, brzinskoj karakteristici, vrsti (zimске, ljetne), konstrukciji (radijalne, dijagonalne, itd.) i marki (proizvođaču) i tipu.“, članom 155. stavom (1) pod b) je definisano „b) gume minimalne dubine utora na gaznoj površini 4 mm, s tim da gume na pogonskim točkovima moraju biti zimске ili gume s oznakama MS, M+S ili M&S.“, te stavom (2) je definisano „(2) Na vozila se ne smiju postavljati gume s ekserima.“

Imajući u vidu da su gore navedenim Pravilnikom već definirane određene odredbe, to nije potrebno iste odredbe definirati u Pravilniku o saobraćaju u zimskim uslovima.

Unaprijed hvala na razumijevanju i uvažavanju predloženog.

S poštovanjem,

PREDSJEDNIK

Dr. sc. Vjekoslav Vuković



Prilog:

- *Nacrt Pravilnika*



Na osnovu člana 252. stav (1), tačka 9), a u vezi sa članom 170. stav (3) Zakona o osnovama bezbjednosti saobraćaja na putevima u Bosni i Hercegovini ("Službeni glasnik BiH", broj 6/06, 75/06, 44/07, 84/09, 48/10, 18/13, 8/17, 89/17 i 9/18), ministar komunikacija i transporta Bosne i Hercegovine, u saradnji sa organima nadležnim za unutrašnje poslove, donosi

PRAVILNIK O SAOBRAĆAJU U ZIMSKIM USLOVIMA

Član 1. (Predmet Pravilnika)

Ovim Pravilnikom propisuju se ograničenja u saobraćaju u zimskim uslovima, vozila kojima je zabranjen ili ograničen saobraćaj u zimskim uslovima, način informisanja učesnika u saobraćaju o privremenoj zabrani ili ograničenju saobraćaja u zimskim uslovima, period u kojem je obavezno posjedovanje i upotreba obavezne opreme za saobraćaj u zimskim uslovima, te obavezna oprema za saobraćaj u zimskim uslovima.

Član 2. (Definicija zimskih uslova)

Pod zimskim uslovima na putevima (u daljem tekstu: zimski uslovi) smatra se postojanje najmanje jedne od sljedećih situacija:

- a) kada pada snijeg i lijepi se na kolovozu puta,
- b) kada na kolovozu ima ugaženog i zaleđenog snijega,
- c) kada pada kiša i ledi se na kolovozu, ili
- d) kada je kolovoz zaleđen.

Član 3. (Ograničenja saobraćaja)

- (1) Za vrijeme zimskih uslova zabranjuje se saobraćaj motornim vozilima i teretnim motornim vozilima sa priključnim vozilom koja ne posjeduju obaveznu opremu za saobraćaj u zimskim uslovima (u daljem tekstu: zimska oprema).
- (2) Izuzetno od stava (1) ovog člana nadležni organ za unutrašnje poslove u saradnji sa nadležnim organom za saobraćaj može u određeno vrijeme i na određenom putu ili dijelu puta propisati posjedovanje obavezne zimske opreme za pojedine kategorije vozila, bez obzira postoje li na tim putevima zimski uslovi.
- (3) U slučaju obimnijih snježnih padavina, većih sniježnih nanosa, smetova ili pojave poledice nadležni organ za unutrašnje poslove zatražiće od nadležnog organa za saobraćaj da privremeno zabrani ili ograniči saobraćaj za sva vozila ili za pojedine kategorije vozila na određenom putu ili dionici puta.

- (4) Izuzetno od stava (3) ovog člana, nadležni organ za unutrašnje poslove može na licu mjesta privremeno zabraniti saobraćaj određenoj kategoriji vozila dok se ne steknu uslovi za bezbjedno odvijanje saobraćaja.
- (5) Nadležni organ unutrašnjih poslova će o privremenoj zabrani ili ograničenju saobraćaja za sva vozila ili za pojedine kategorije vozila upoznati učesnike u saobraćaju putem sredstava javnog informisanje i odgovarajućom saobraćajnom signalizacijom.

Član 4. (Zimska oprema)

- (1) U periodu od 15. novembra tekuće do 15. aprila naredne godine, bez obzira na vremenske uslove, vozila, izuzev vozila kategorije "L", "T" i "C" moraju imati zimsku opremu. Van navedenog perioda vozila mogu biti opremljena zimskom opremom.
- (2) Zimska oprema za vozila kategorija M1 i N1 obuhvata:
 - a) pneumatike za zimsku upotrebu (MS, M+S, M&S, Snow Winter i dr.) na svim točkovima vozila, ili
 - b) pneumatike za zimsku upotrebu (MS, M+S, M&S, Snow Winter i dr.) na pogonskim točkovima i lance za snijeg odnosno druge uređaje za povećanje trakcije pripravne za postavljanje na najmanje dva pogonska točka, ili
 - c) pneumatike za ljetnju upotrebu na svim točkovima i lance za snijeg odnosno druge uređaje za povećanje trakcije pripravne za postavljanje na najmanje dva pogonska točka.
- (3) Zimska oprema za vozila kategorija M2, M3, N2 i N3, pored zimske opreme ~~iz člana (2) ovog pravilnika~~ iz stava (2) ovog člana obuhvata i lopatu, osim za vozila koja učestvuju javnog gradskom prevozu.
- ~~(4) Dubina gazećeg sloja na pneumaticima iz člana (2) ovog Pravilnika stava (2) ovog člana ne smije biti manja od 4 mm.~~
- ~~(5) Na vozilima se ne smiju postavljati pneumatici sa ugrađenim klinovima/ekserima.~~
- ~~(6) Pneumatici na istoj osovini vozila moraju da budu jednaki po dimenzijama, nosivosti, brzinskoj karakteristici, vrsti (zimske, ljetne), konstrukciji (radijalne, dijagonalne, itd.), marki (proizvođaču) i tipu.~~
- (7) Lanci za snijeg odnosno drugi uređaji za povećanje trakcije mogu se postaviti na točkove na dijelu puta koji nije označen znakom "lanci za snijeg" samo kad je kolovoz prekriven snijegom.

Član 5. (Prestanak važenja propisa)

Danom stupanja na snagu ovog pravilnika prestaje važiti Pravilnik o saobraćaju u zimskim uslovima ("Službeni glasnik BiH", br. 13/07).

Član 6.
(Stupanje na snagu)

Ovaj pravilnik stupa na snagu prvog dana od dana objave u "Službenom glasniku BiH".

Broj:
Sarajevo, _____ 2020. godine

MINISTAR

dr Vojin Mitrović